

ხელშეკრულება

სახელმწიფო შესყიდვების შესახებ №146

წინამდებარე ხელშეკრულება დადებულია 2 აგვისტოს 2018 წელს

1. ხელშეკრულებაში გამოყენებულ ტერმინთა განმარტებანი:

1.1. „ხელშეკრულება“ სახელმწიფო შესყიდვების შესახებ (შემდგომში – „ხელშეკრულება“) – „სახელმწიფო შესყიდვების შესახებ“ საქართველოს კანონისა და „სახელმწიფო შესყიდვების განხორციელების წესის შესახებ“ დებულების საფუძველზე შემსყიდველი ორგანიზაციისა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დაკუმენტიტ და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებული;

1.2. „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;

1.3. „მიმწოდებელი“ ნიშნავს იურიდიულ ან ფიზიკურ პირს, რომელმაც შემსყიდველთან გააფორმა ხელშეკრულება სახელმწიფო შესყიდვების შესახებ;

1.4. „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა [ორგანიზაციამ] მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;

1.5. „დღე“, „კვირა“, „თვე“ ნიშნავს კალენდარულ დღეს, კვირას, თვეს, თუ ხელშეკრულებით სხვა პირობა არ არის გათვალისწინებული.

2. ხელშეკრულების დამდები მხარეები

2.1. წინამდებარე ხელშეკრულება დადებულია ერთი მხრივ აფხაზეთის ავტონომიური რესპუბლიკის მთავრობის საქვეუწყებო დაწესებულება-ადმინისტრაციულ-სამეურნეო სამმართველოს, წარმოდგენილი მისი უფროსის გოგი მანიას სახით (საიდ. კოდი 249251287 ქ. თბილისი ალ. ყაზბეგის გამზ. №42) (შემდგომში „შემსყიდველი“) და მეორეს მხრივ შპს „ჯორჯიან პოტელ მენეჯმენტს“, წარმოდგენილი გენერალური მენეჯერის ანტონ იოჰან პენდრიკ კუიჯტის სახით, (საიდ. კოდი 404385722, მის: ქ. თბილისი, ვარდების რევოლუციის მოედანი №1) (შემდგომში „მიმწოდებელი“) შორის. (საფუძველი: „სახელმწიფო შესყიდვების შესახებ“ კანონის 10 მუხლის მე-3 პუნქტის „ვ“ ქვეპუნქტი).

3. ხელშეკრულების საგანი

3.1. ხელშეკრულების საგანს წარმოადგენს, (გამარტივებული შესყიდვის საშუალებით) სასტუმრო "რედისონ ბლუ ივერიაში" 3 (სამი) პერსონაზე სარესტორნო მომსახურება (CPV-55300000 რესტორნებისა და საზოგადოებრივი კვების საწარმოების მომსახურებები).

4. ხელშეკრულების ღირებულება

4.1. ხელშეკრულების საერთო სავარაუდო ღირებულება შეადგენს – 194.70 (ას ოთხმოცდათოთხმეტი ლარი და 70 თეთრი) ლარს საქართველოს კანონმდებლობით დადგენილი შესაბამისი გადასახადების გათვალისწინებით.

5. მხარეთა უფლება მოვალეობანი

5.1. „მიმწოდებელი“ და „შემსყიდველი“ ვალდებული არიან სრულად და ზედმიწევნით შეასრულონ ხელშეკრულებით ნაკისრი ვალდებულებები;

5.2. „მიმწოდებელი“ ვალდებულია ხარისხიანად და ჯეროვნად უზრუნველყოს მომსახურების გაწევა;

5.3. „შემსყიდველი“ ვალდებულია ხელშეკრულებით გათვალისწინებულ ვადაში უზრუნველყოს გაწეული მომსახურების ღირებულების ანაზღაურება.

6. მომსახურების ვადა და მიღება-ჩაბარების წესი

6.1. მომსახურების გაწევა განხორციელდება 2018 წლის 2 აგვისტოს;

6.2. შესყიდვის ობიექტი ჩაითვლება მიღებულად მომსახურების მიღება-ჩაბარების აქტის შედგენისა და ორივე მხარის წარმომადგენლის ხელმოწერებით გაფორმების შემდეგ.

7. მომსახურების ხარისხი და გარანტია

7.1. „მიმწოდებელი“ იძლევა გარანტიას, რომ მომსახურება იქნება მაღალხარისხიანად შესრულებული და შეესაბამება ხელშეკრულებით გათვალისწინებულ პირობებს



8. ანგარიშსწორების პირობები და ვადები

8.1. ანგარიშსწორება „მიმწოდებელთან“ განხორციელდება უნაღლო ანგარიშსწორების წესით ლარებში;

8.2. ანგარიშსწორება „მიმწოდებელთან“ განხორციელდება გაწეული მომსახურების მიღება-ჩაბარების აქტის გაფორმებიდან 10 (ათი) დღის განმავლობაში.

9. ფასები

9.1. წინამდებარე ხელშეკრულებით გასაწევი მომსახურების ფასი წარმოადგენს ხელშეკრულების ღირებულებით პარამეტრს;

9.2. ხელშეკრულების ღირებულებითი პარამეტრის შეცვლა ხელშეკრულების მოქმედების მთელი პერიოდის განმავლობაში დასაშვებია გასაწევი მომსახურების განსაზღვრული ფასის გაზრდის ან შემცირების, ინფლაციის მაღალი დონის, სავალუტო კურსის მნიშვნელოვანი ცვლილების, საგადასახადო რეჟიმის შეცვლისა და საქართველოს სამოქალაქო კოდექსის 398-ე მუხლში გათვალისწინებული პირობების შემთხვევაში, თუ აღნიშნული ცვლილებები არ გამოიწვევს ხელშეკრულების პირობების გაუარესებას „შემსყიდველი“ ორგანიზაციისათვის.

9.3. ხელშეკრულებაში დაფიქსირებული ღირებულების გაზრდის შემთხვევაში მისმა საერთო ოდენობამ არ უნდა გადააჭარბოს ხელშეკრულების ღირებულების 10 (ათი)%-ს.

10. ხელშეკრულებაში ცვლილებების შეტანა

10.1. ხელშეკრულების დამდებ არც ერთ მხარეს არ აქვს უფლება შეცვალოს ხელშეკრულების პირობები მეორე მხარის წერილობითი თანხმობის გარეშე;

10.2. თუ რაიმე წინასწარ გაუთვალისწინებელი მიზეზების გამო წარმოიშვა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეტყობინოს მეორე მხარეს შესაბამისი ინფორმაცია. ამავე დროს, „შემსყიდველი“ არ არის ვალდებული წარუდგინოს „მიმწოდებელს“ რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების შეცვლის აუცილებლობა;

10.3. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

11. უფლებების გადაცემა

11.1 „მიმწოდებელს“ არა აქვს უფლება „შემსყიდველის“ წერილობითი თანხმობის გარეშე მთლიანად, ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობები.

12. სუბ-კონტრაქტორი

12.1. იმ შემთხვევაში, თუ სუბ-კონტრაქტორის დადების, ან სუბ-კონტრაქტორის შეცვლის აუცილებლობა წარმოიშობა ხელშეკრულების შესრულების პროცესში, „მიმწოდებელმა“ წერილობით უნდა აცნობოს „შემსყიდველს“ ზემოთაღნიშნულის შესახებ და მიიღოს მისგან წერილობითი თანხმობა;

12.3. ამ ხელშეკრულების ფარგლებში დადებული ყველა სუბ-კონტრაქტორის ასლი უნდა წარუდგინოს „შემსყიდველს“ მისი გაფორმებიდან ერთი კვირის განმავლობაში;

12.4. ამ ხელშეკრულების ფარგლებში დადებული არც ერთი სუბ-კონტრაქტორი არ ათავისუფლებს „მიმწოდებელს“ ხელშეკრულებით ნაკისრი ვალდებულებებისაგან.

13. ფორს-მაჟორი

13.1. ხელშეკრულების პირობების ან რომელიმე მათგანის მოქმედების შეჩერება „ფორს-მაჟორული“ გარემოებების გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას და „მიმწოდებლისათვის“ ხელშეკრულების შესრულების გარანტიის დაუბრუნებლობას;

13.2. ამ მუხლის მიზნებისათვის "ფორს-მაჟორი" ნიშნავს მხარეებისათვის გადაულახავ და მათი კონტროლისგან დამოუკიდებელ გარემოებებს, რომლებიც არ არიან დაკავშირებული შემსყიდველის და/ან მიმწოდებლის შეცდომებსა და დაუდევრობასთან, რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომი, ანტიპროტესტული მოვლენებით, ეპიდემიით, კარანტინით, ემბარგოს დაწესებით, საბიუჯეტო კრიზისის მკვეთრი შემცირებით და სხვა;

13.3. „ფორს-მაჟორული“ გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება,



დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისგან წერილობით პასუხს, იგი თავისი შეხედულებისამებრ, მიზანშეწონილობისამებრ და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ „ფორს-მაჟორული“ გარემოებების ზეგავლენისაგან.

14. მხარეთა პასუხისმგებლობა ხელშეკრულების პირობების დარღვევისათვის

14.1. ხელშეკრულებით ნაკისრი ვალდებულებების შეუსრულებლობის, ან არაჯეროვნად შესრულების შედეგად მიყენებული ზარალისთვის, მხარეები ერთმანეთის წინაშე პასუხს აგებენ საქართველოს მოქმედი კანონმდებლობის შესაბამისად.

14.2. ფორს-მაჟორული პირობების გარდა, მხარეების მიერ ხელშეკრულების პირობების შეუსრულებლობისა ან/და დაგვიანებით შესრულების შემთხვევაში დამრღვევ მხარეს ეკისრება პირგასამტეხლო შესასრულებელი ვალდებულების 0.02% პროცენტის ოდენობით ყოველი გადაცილებული დღისათვის;

14.3. რომელიმე ერთი მხარის მიერ ხელშეკრულებით ნაკისრი ვალდებულებების განმეორებით შეუსრულებლობის და/ან პირგასამტეხლოს დადგენილ ვადაში გადაუხდელობის შემთხვევაში, ან თუ პირგასამტეხლოს თანხა გადაატარებს ხელშეკრულების ღირებულების 3%-ს, მეორე მხარეს უფლება აქვს შეწყვიტოს ხელშეკრულება;

14.4. დამრღვევი მხარე ვალდებულია დაფაროს ხელშეკრულებით დადგენილი პირგასამტეხლო წერილობითი მოთხოვნიდან არაუგვიანეს 10 (ათი) დღის ვადაში;

14.5. საჯარიმო სანქციების გადახდა არ ათავისუფლებს მხარეებს ძირითადი ვალდებულებების შესრულებისაგან.

15. ხელშეკრულების შეწყვეტა

15.1. ხელშეკრულების დამდები ერთერთი მხარის მიერ პირობების შეუსრულებლობის შემთხვევაში, მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობების მოქმედების შეწყვეტის შესახებ;

15.2. ხელშეკრულების დამდები მხარე, რომელიც მიიღებს გადაწყვეტილებას ვალდებულია შეატყობინოს მეორე მხარეს მისი მიღების საფუძველი და ამოქმედების თარიღი. აღნიშნული შეტყობინება უნდა მიეწოდოს მეორე მხარეს გადაწყვეტილების ძალაში შესვლამდე მინიმუმ 1 (ერთი) დღით ადრე;

15.3. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან;

15.4. ხელშეკრულების შეწყვეტა პირობების დარღვევის გამო არ ათავისუფლებს „მიმწოდებელს“ ხელშეკრულების შეუსრულებლობისათვის გათვალისწინებული პასუხისმგებლობისაგან;

15.5. შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) საქართველოს კანონმდებლობით გათვალისწინებულ სხვა შემთხვევებში;

15.6. ამ მუხლის მე-5 პუნქტში მითითებულ შემთხვევებში „შემსყიდველი“ ვალდებულია აუნახლაუროს „მიმწოდებელს“ ფაქტიურად გაწეული მომსახურების ღირებულება.

16. დავების გადაწყვეტის წესი

16.1. ხელშეკრულების დამდები მხარეები თანხმდებიან მასზე, რომ ყველა ღონეს იხმარენ, რათა პირდაპირი არაოფიციალური მოლაპარაკებების მეშვეობით შეთანხმებით მოავარონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ;

16.2. თუ შემსყიდველი და მიმწოდებელი ვერ შეძლებენ სადაო საკითხების შეთანხმებას, ნებისმიერ მხარეს დავის გადაწყვეტის მიზნით შეუძლია დადაგენილი წესით მიმართოს საქართველოს სასამართლოს.

17. ინტერესთა კონფლიქტი

17.1. „საქართველო შესყიდვების შესახებ“ საქართველოს კანონის მე-8 მუხლის მოთხოვნათა გათვალისწინებით, წინამდებარე ხელშეკრულებაზე ხელმოწერი და კონტროლის განმახორციელებელი პირები სრულიად აკმაყოფილებენ კანონის ამ მოთხოვნას და არ იმყოფებიან ინტერესთა კონფლიქტში მიმწოდებელთან.



18. ხელშეკრულების მოქმედების ვადა

18.1. ხელშეკრულება ძალაშია მისი ხელის მოწერიდან 2018 წლის 30 სექტემბრამდე.

19. ხელშეკრულების ინსპექტირების პირობები

19.1. შემსყიდველი უფლებამოსილია შესყიდვის ობიექტის მიწოდების პარალელურად განახორციელოს შემოწმება, რომლის მიზანია შესყიდვის ობიექტის შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.

19.2. ხელშეკრულების ინსპექტირებას შემსყიდველის მხრიდან განახორციელებს, აფხაზეთის მთავრობის საქვეუწყებო დაწესებულება – ადმინისტრაციულ - სამეურნეო სამმართველოს მიერ გამოყოფილი კოორდინატორი – ვახტანგ ყურაშვილი.

20. სხვა პირობები

20.1. ხელშეკრულება და მასთან დაკავშირებული ყველა წერილობითი მოლაპარაკებები და სხვა დოკუმენტაცია, რომლებიც გაიცვლება მხარეთა შორის ფორმდება ქართულ ენაზე;

20.2. ხელშეკრულება შედგენილია 3 (სამ) ეგზემპლარად და სამივეს გააჩნია თანაბარი იურიდიული ძალა.

21. მხარეთა რეკვიზიტები

„შემსყიდველი“

აფხაზეთის ავტონომიური რესპუბლიკის მთავრობის საქვეუწყებო დაწესებულება – ადმინისტრაციულ-სამეურნეო სამმართველო

მისამართი: ქ. თბილისი ალ. ყაზბეგის ქ. №42 ტელ: 237 67 69,

საბანკო რეკვიზიტები: მიმღების ბანკი – სახელმწიფო ხაზინა
მიმღების დასახელება – ხაზინის ერთიანი ანგარიში
ბ/კოდი TRESGE22

საიდენტ. კოდი 249251287

აფხაზეთის ავტონომიური რესპუბლიკის
მთავრობის საქვეუწყებო
დაწესებულება – ადმინისტრაციულ
-სამეურნეო სამმართველოს უფროსი



გოგი მანია

„მიმწოდებელი“

შპს „ჯორჯიან პოტელ მენეჯმენტი“

მისამართი: ქ. თბილისი, ვარდების რევოლუციის მოედანი №1; ტელ: +995 32 2 402200

საბანკო რეკვიზიტები: თიბისი ბანკი
კოდი TBCBGE22 ანგ. № GE35TB7976136020100003 GEL

საიდ/კოდი 404385722

შპს „ჯორჯიან პოტელ
მენეჯმენტის“
გენერალური მენეჯერი



ანტონ იოჰან ჰენდრიკ კუიჯტი